

**ТӨРИЙН АЛБАНЫ ЗӨВЛӨЛИЙН
ГАДААДЫН ИРГЭН, ХАРЬЯАТЫН ГАЗРЫН ДЭРГЭДЭХ
САЛБАР ЗӨВЛӨЛИЙН 2023 ОНЫ ЭХНИЙ ХАГАС ЖИЛИЙН
ҮЙЛ АЖИЛЛАГААНЫ ТАЙЛАН**

(Хамрах хугацаа: 2023.01.03-2023.06.30)

2023.06.30.

Улаанбаатар хот

Төрийн албаны зөвлөлийн Гадаадын иргэн, харьяатын газрын дэргэдэх салбар зөвлөлөөс 2023 оны үйл ажиллагааны төлөвлөгөөний дагуу эхний хагас жилд гүйцэтгэсэн ажлын товч тайланг танилцуулж байна.

Нэг. Сул орон тооны сонгон шалгаруулалтын захиалгын талаар:

Төрийн албаны тухай хууль тогтоомжийн хүрээнд эхний хагас жилийн дүнгээр салбар зөвлөлөөс төрийн захиргааны гүйцэтгэх 22 албан тушаалын сонгон шалгаруулалтын захиалгыг Төрийн албаны зөвлөлийн Сонгон шалгаруулалтын газарт албан бичгээр хүргүүлж, ажлын 10 хоног байгууллагын болон Төрийн албаны зөвлөлийн цахим сайтаар нийтэд зарлууллаа.

Хүснэгт-1

№	Захиалга хүргүүлсэн албан бичгийн огноо, дугаар	Сул орон тоо		Албан тушаалын нэр
		Удирдах албан тушаал	Гүйцэтгэх албан тушаал	
1	2023.01.09 №01		6	Өмнөд бүс дэх газрын захиргааны ахлах мэргэжилтэн-1; Дорноговь аймаг дахь газрын мэргэжилтэн-2; Зүүн бүс дэх газрын мэргэжилтэн-3.
2	2023.03.02 №02		2	Гадаад харилцаа, хамтын ажиллагааны хэлтсийн гадаад харилцааны мэргэжилтэн-1; Баруун бүс дэх газрын Увс аймаг дахь мэргэжилтэн-1.
3	2023.03.20 №03		2	Дорноговь аймаг дахь газрын мэргэжилтэн-1; Зүүн бүс дэх газрын мэргэжилтэн-1.
4	2023.05.09 №05		7	Хойд бүс дэх газрын Хөвсгөл аймаг дахь хэлтсийн ахлах мэргэжилтэн-1; Гадаад харилцаа, хамтын ажиллагааны хэлтсийн мэргэжилтэн-1; Дорноговь аймаг дахь газрын мэргэжилтэн-2; Баруун бүс дэх газрын мэргэжилтэн-1; Зүүн бүс дэх газрын мэргэжилтэн-2.
5	2023.06.06 №06		5	Дорноговь аймаг дахь газрын мэргэжилтэн-2; Өмнөд бүс дэх газрын мэргэжилтэн-1; Зүүн бүс дэх газрын мэргэжилтэн-2.
ДҮН		0	22	

Төрийн албаны зөвлөлийн 2023 оны 01 дүгээр сарын 25-ны өдрийн 25 дугаар тогтоолоор баталж, 04 дүгээр сарын 01-ний өдрөөс мөрдөгдөж эхэлсэн “Төрийн албаны шалгалт өгөх болзол болон шатлан дэвшүүлэх, сонгон шалгаруулах журам, загвар батлах тухай” журмын 4.2-т дагуу 3 дахь удаагийн 2 гүйцэтгэх албан

тушаалын сонгон шалгаруулалтын зарыг төрийн жинхэнэ албан хаагчдын хүрээнд 5-аас доошгүй хоног байгууллагын цахим хуудсаар 04 дүгээр сарын 04-ний өдрийг дуустал хугацаанд зарлаад байна. Зарын дагуу албан тушаалын тодорхойлолтод заасан тусгай шаардлагыг хангасан төрийн жинхэнэ албан хаагч бүртгүүлсэн тохиолдолд дээрх журмын дагуу нийтэд зарлахгүйгээр шууд томилохоор журмын зохицуулалттай болсон. Харин шаардлага хангасан төрийн жинхэнэ албан хаагч бүртгүүлээгүй бол ажлын 10-аас доошгүй хоног зарлах явцдаа бүртгэл хамт хийгдэх байна.

Шинэчлэгдсэн журмын дагуу байгууллагын www.immigration.gov.mn цахим хуудсаар “Төрийн жинхэнэ албан хаагчийг шилжүүлэх, сэлгэн ажиллуулах тухай” 3 удаагийн зарыг нээлттэй байршуулсан.

Хоёр. Албан тушаалын тусгай шалгалт зохион байгуулсан талаар:

Төрийн албаны тухай хууль тогтоомжийн хүрээнд 2023 онд салбар зөвлөлийн 01, 08, 21 дүгээр тогтоолоор байгуулсан сонгон шалгаруулалтын комисс төрийн захиргааны гүйцэтгэх 22 албан тушаалын сул орон тооны 5 удаагийн тусгай шалгалтыг зохион байгууллаа.

Тусгай шалгалтад тэнцсэн иргэдийн 3 буюу 21.4 хувь төрийн албанаас түр чөлөөлөгдсөн иргэдийн нөөцөд бүртгэлтэй, 9 буюу 64.2 хувь нь 2021-2023 оны төрийн албаны ерөнхий шалгалтын нөөцөд бүртгэлтэй иргэд, 2 буюу 14.2 хувь төрийн жинхэнэ албан хаагч, нээлттэй зарлуулсан 22 сул орон тооноос 8 буюу 57.1 хувь нөхөгдөөгүй.

Хүснэгт-2

№	Тусгай шалгалт зохион байгуулсан огноо	Тоо		Сул орон тоог		Тайлбар
		Удирдах албан тушаал	Гүйцэтгэх албан тушаал	Нөхсөн	Нөхөөгүй	
1	2023.02.10		6	4	2	Шаардлага хангасан иргэн бүртгүүлээгүй
2	2023.03.27		2	2		-
3	2023.04.28		2	2		-
4	2023.05.29		7	4	3	Бүртгүүлэх хүсэлт ирээгүй
5	2023.06.29		5	2	3	Босго оноо хүрээгүй 2, бүртгүүлэх хүсэлт ирээгүй 1
ДҮН		-	22	14	8	

Тухайн албан тушаалын буюу тусгай шалгалтыг Төрийн албаны зөвлөлийн hh-admin.csc.gov.mn цахим системээр зохион байгуулж, сонгон шалгаруулалтын захиалга, зар оруулах, бүртгэх, шалгалт авах, дүнг мэдээлэх бүх үйл явц цахимаар явагдаж хэвшсэн.

Гурав. Бусад үйл ажиллагааны талаар:

Төрийн албаны зөвлөлийн Гадаадын иргэн, харьяатын газрын дэргэдэх салбар зөвлөлийн 2022 оны үйл ажиллагааны тайланг Төрийн албаны тухай хуулийн 74.1 дэх хэсэг, “Төрийн албаны зөвлөлийн салбар зөвлөлийн ажиллах журам”-д заасан чиг үүргийн дагуу нэгтгэн, байгууллагын даргын 01 дүгээр сарын 06-ны өдрийн 01/29 албан бичгээр Төрийн албаны зөвлөлийн Хүний нөөцийн удирдлага, аудитын газарт хугацаанд нь хүргүүлэв.

Салбар зөвлөлийн 2023 оны үйл ажиллагааны төлөвлөгөөний эхний хагас жилийн хэрэгжилт 96.2 хувьтай. Эхний хагас жилийн салбар зөвлөлийн үйл ажиллагааны нэгдсэн тайланг байгууллагын даргын 06 дугаар сарын 26-ны өдрийн 01/1073 албан бичгээр Төрийн албаны зөвлөлийн Хүний нөөцийн удирдлага, аудитын газар хүргүүлэв.

Монгол Улсын Ерөнхийлөгчийн 06 дугаар сарын 06-ны өдрийн 63 дугаар зарлигаар байгууллагын удирдлагад тэргүүн түшмэлийн дөтгөөр, Монгол Улсын Ерөнхий сайдын 06 дугаар сарын 15-ны өдрийн 110 дугаар захирамжаар 1 газрын даргад эрхэлсэн түшмэлийн дөтгөөр зэрэг дэв шинээр, 2 газрын даргад эрхэлсэн түшмэлийн дэд зэрэг дэв олгуулж, Хууль зүй, дотоод хэргийн сайдын 05 дугаар сарын 29-ний өдрийн А/186 дугаар тушаалаар 2 албан хаагчид ахлах түшмэлийн, 14 албан хаагчид дэс түшмэлийн зэрэг дэвийг шинээр, 48 албан хаагчийн зэрэг дэв ахиулан олгуулахаар шийдвэрлүүлсэн бөгөөд 07 дугаар сарын 01-ний өдрөөс зэрэг дэвийн нэмэгдлийг олгох юм.

Хүснэгт-3

	Тэргүүн түшмэл	Эрхэлсэн түшмэл		Ахлах түшмэл	Дэс түшмэл				Дүн
	Дөтгөөр зэрэг	Дэд зэрэг	Дөтгөөр зэрэг	Дөтгөөр зэрэг	Тэргүүн зэрэг	Дэд зэрэг	Гутгаар зэрэг	Дөтгөөр зэрэг	
Шинээр	1	-	1	2	-	-	-	14	18
Ахиулах	-	2	-	-	19	17	7	-	45
НИЙТ									63

Тайлант хугацаанд нийт 18 албан хаагчид зэрэг дэв шинээр олгуулж, 42 албан хаагчийн зэрэг дэвийн ахиулснаар байгууллагын хэмжээнд төрийн захиргааны албан хаагчдын 151 буюу 81.6 хувийг мэргэшсэн зэрэг дэвтэй албан хаагчид эзэлж байна.

Засгийн газрын 2018 оны “Журам батлах тухай” 382 дугаар тогтоолын 1 дүгээр хавсралтаар баталсан “Төрийн захиргааны болон үйлчилгээний албан хаагчид төрийн алба хаасан хугацааны нэмэгдэл олгох журам”-д 2022 оны “Журамд өөрчлөлт оруулах тухай” 491 дүгээр тогтоолоор төрийн албан хаасан хугацааны нэмэгдлийг тооцох аргачлалд өөрчлөлт орсонтой холбогдуулан Нийт 256 албан хаагчдын төрийн алба хаасан хугацааны судалгааг шинэчлэн, давхардсан тоогоор 298 албан хаагчид нэмэгдлийг тогтоож, байгууллагын даргын Б/26, Б/90, Б/119, Б/147 дугаар тушаалаар олгуулсан.

Засгийн газрын 2018 оны “Журам батлах тухай” 382 дугаар тогтоолын 4 дүгээр хавсралтаар баталсан “Төрийн үйлчилгээний албан хаагчид ур чадварын нэмэгдэл олгох журам”-ын дагуу төвийн нэгжийн төрийн үйлчилгээний албан хаагчдын ажлын гүйцэтгэлийг улирлаар үнэлж, ур чадварын нэмэгдлийг нийт 2 удаагийн байгууллагын даргын тушаалаар, давхардсан тоогоор 65 төрийн үйлчилгээний албан хаагчдад 10-25 хувийн нэмэгдлийг олгуулсан.

Мөн Засгийн газрын 2022 оны “Төрийн захиргааны албан тушаалын ангилал, зэрэглэл, албан тушаалын жагсаалтыг шинэчлэн батлах тухай” 487 дугаар тогтоол, мөн “Төрийн зарим албан тушаалын цалингийн хэмжээ, доод хэмжээг шинэчлэн тогтоох тухай” 488 дугаар тогтоолын дагуу байгууллагын даргын 01 дүгээр сарын

20-ны өдрийн Б/26 дугаар тушаалаар дагуу төв, орон нутаг дахь нэгжийн төрийн захиргааны албан хаагчдын ангилал, зэрэглэлийг, албан тушаалын цалинг тус тус шинэчлэн тогтоосон.

№	Төрөл	Албан хаагч	Хүснэгт-4
			Хувь
1	Төрийн үйлчилгээний албан хаагчийн ур чадварын нэмэгдэл	65 /давхардсан/	10-25 хүртэл
2	Төрийн алба хаасан хугацааны нэмэгдэл	298	1-25 хүртэл
3	Улирлын мөнгөн урамшуулал	209	40 хүртэл
4	Илүү цагийн нэмэгдэл хөлс	8	-
Нийт		580	-

ТӨРИЙН АЛБАНЫ ЗӨВЛӨЛИЙН
ГАДААДЫН ИРГЭН, ХАРЬЯАТЫН ГАЗРЫН ДЭРГЭДЭХ
САЛБАР ЗӨВЛӨЛ